


沈乃文 主編

明別集叢刊 第一輯

第三十五冊

黃山書社




沈乃文 主編

明別集叢刊 第一輯

第三十五冊

黃山書社



(明) 况鍾 著

况太守集十六卷首一卷補遺一卷

清道光二十九年蘇州刻本

道光己酉重鐫

况太守集

版藏蘇州
府照磨廳

況太守集序

道光己酉秋予自淮陰移守吳郡照磨胡君容本以重梓靖安況公集見示屬系以一言公以宣德五年由禮部郎中擢守吳郡剛正廉潔孜孜愛民青天之稱至今櫛櫛皆知公之政績不誠偉歟守郡凡十有三年鉅豪強傲官邪籌旱潦勤水利隆學校振單寒政不勝書其有功德於吳民尤莫大於減浮糧一節明太祖平吳盡籍其功臣子弟莊田入官後并惡富民豪坐罪沒入田產皆謂之官田按其家租籍徵之故蘇賦比他郡獨重官民田租共二百七十七萬石而官田之租乃至二百

況太守集 王序

六十二萬石民不堪命屬縣遭賦僅四年積七百六十萬餘石公請量折以鈔雖格於部議然由是蠲減宣宗屢下詔減官田租公與巡撫周文襄悉心籌畫奏免七十餘萬石而民困以蘇論者言與其賦重而積欠愈多不能起溝壑之民復加敲撲何如賦減而輸將恐後俾其享承平之福無待追呼於國計民生兩有神益焉又言公興革利弊皆由上有文襄故克行其志余獨謂世不患無文襄患不如公其人爲民請命斯民命無由贖耳今歲夏秋吳中大水田廬淹沒城野哀鴻嗷嗷待哺假使文襄與公籌建濟農倉尙存小民何至辛苦墊隘

顛沛流離若此矧距麥秋尙遠一日不拯一日不活讀公集而愧悚交并未知凡我寅僚及此邦之賢士大夫將何以教我也弁此數言以塞胡君之請并不復計文之工拙矣

道光歲次己酉嘉平月知蘇州府事嶺南王夢齡識

況太守集 王序

二

況太守集序

陳白沙先生云天下事非才不治非誠不動以言爲郡縣之難我有奏請上何以必俞允我有榜諭下何以必服從其爲奏請榜諭者才也其能必得俞允服從者則非才之所能致故獲上信下其道惟自反以誠歲丁未余蒞蘇之三年修葺府署之左西美巷靖安況公分祠命照磨胡容本董其事工告蕆容本先得公手書辟疆館記石刻爲移置于署中之閒園復得公全集印板爲丙戌年錢塘陳鴻慶所刊既爲整齊之容本與其僚加以校勘改正三百餘字并摹府學祠內石刻畫像及贊

況太守集 桂序

又錄明史本傳辟疆館記修祠碑記同人紀載題詠廉石記附集後爲補遺一卷而公集始完備乞序于余余維公之治行吳人士能詳言之後來者未易踰及也嘗讀明史恩免銀租詔書每爲戶書廢格不行卽發覺上亦不加罪心竊怪之及讀公傳一再請減浮糧疏至責上失信于民而終得報所請張太史洪云不作軟媚語上多嘉納是固適逢宣廟欲行寬恤之令故得俞旨至怒戶部爲可罪然公亦何恃而敢力與部爭知爭而上必助之曰惟其誠也至蘇吏胥之奸滑盤固根深尤不易革除民氣素弱而亦多沿積習浮靡偷薄不可以筆

舌喻獨公有榜諭父老子弟泣涕改悔者何哉曰惟其誠也或以公之爲守也特奉璽書章奏得竟達御前其權旣重又巡撫得周文襄傾心信任而內有西楊之助故一切得行其意此亦千載一時之遇後之典郡者莫敢望焉要之朝廷之寵任內外大臣之協贊亦公積誠有以致之使公卽無此遇我知公之盡心于民以盡心于國者亦如是也故公之才能吏或有之公之誠非實有其學必不能不搖不奪以成其愷悌之政如是而謂公非科目出身未嘗學問可乎哉雖然爲郡之難爲大郡之難非身親之不知也陸宣公有言財者民之心傷

況太守集 桂序

其財則傷其心蘇郡自宋公田流旣明初以守城故特加重征民之財幾罄矣民心重傷不待問也嗚呼公能稍卹民之財宜民心之愛公戴公千百年如一日史稱公幹辦勤謹賦役均平竊以爲幹辦雖才不逮公勤謹二字猶所能勉至吳中之賦役失均余竊效公之有以均之者乙巳冬杪下車先試于常熟明年栢周兩星使來請中丞會銜入告奉 諭通行全省而行之有未能盡一者則以所屬之才德不齊其有愧于公多矣雖然至誠而不動者未之有也終願與有斯民責者共勸之容本勤公而有志卽斯集之勸勸其所嚮慕可嘉已

道光戊申二月中浣知蘇州府事貴池桂超萬襲

况太守集 桂序

三

况太守集序

道光元年辛巳余以戶部員外郎出守揚州與江都陳大令文述同日之官未三月移守蘇郡治蘇之明年陳君暨其弟候補貳尹鴻慶來建明太守况公祠於府署之東故公所建五顯祠及辟疆館遺趾大令十餘年前所經營也余偕吳縣令萬君臺暨長洲令俞君德淵元和令王君有慶各捐廉俸助之以費鉅工未及竣閱二年大令以服闋謁選過蘇貳尹亦以需次來蘇余又與萬君及長洲令王君錫藩元和令何君士祁捐廉屬貳尹竟其事適貳尹得公遺集爲付剞劂請序於余余惟蘇

况太守集序

一

州爲東南大郡官是土者不知凡幾何况公之名獨著迄今數百年未之有改今讀公遺集始知實政在民恩澤入人之深愈久而愈弗替也公政之大者在減浮糧歲至百五六十萬石百姓至今實受其利其他興水利建義倉卹冤抑平枉縱寬徭役招流亡嚴善惡之辨定喪葬之制無事不以民心風俗爲務集中所載諸奏議及一切公牘誠論之文真摯剴切儼然賈太傅陸宣公之遺意蓋惟有實心而後有實政有實政而後有實效宜其請留任頌政績者動輒數萬人生祠徧于各屬家有畫像飲食必祝而膏雨傳芳諸集誦芬揚烈者指不

勝邑也夫郡縣者一鄉一邑之積也天下者郡縣之積也守郡盡得如公則何利不興何弊不去何豪強奸宄之可容何旱乾水溢之足患百姓有不安居樂業天下有不長治久安者乎抑聞之方公之初任也與撫民侍郎成均議不合其去也致民有以瑣事涉公者及再至上官爲周文襄公知公賢而倚任之所請輒行故民之頌文襄一如公公初至於屬吏亦有所舉劾墨吏多望風解綬及再至三至而承流布化者若身之使臂臂之使指也蓋公之事上官率屬吏無不積誠相感又其時宣廟御極勤政愛民以蘇爲大郡號難治因廷臣薦破

孔太守集 序

二

格用公三楊秉政文貞公九左右公故所請輒得報可公視國事如家事視民事如已事所謂下令于流水之源而上下交孚也余官茲土爲公舊治尋常無事猶以不克勝任爲懼况比年以來事多盤錯一爲癸未年水災江水暴漲又久雨太湖水無所歸七邑田廬皆在洪流巨浸中設蠲議賑費帑百萬紳士之捐賑亦數百萬安集災黎以千萬計經年不得休息一爲甲申年議籌三江水利開吳淞以洩太湖之水上游皆在七邑境內往來相度無虛日一爲乙酉年因高堰潰決洪湖泛濫堵閉禦黃壩他省漕米由清江駁運惟蘇松常鎮太

各屬漕糧改由海道運赴天津僱募沙船以千計事屬艱舉無舊章可尋蘇屬漕米居十之四閱半年而既畢以上三事均極艱鉅所幸上有大府之指示下有同寮之贊襄勉從公得幸無隕越也以視公之不動聲色而措置裕如者其才力之懸殊幾何矣詩云高山仰止景行之雖不能至心嚮往之讀公遺集益不能不服膺公之廉正樸誠始終一致也是集之成我同人方之責者宜人置一編以爲治譜行見龔黃召杜不絕于世享昇平而懷樂利者徧于海隅蒼生謳歌鼓舞視國家億萬年有道之長者方日進無疆而未有已也是

孔太守集 序

三

爲序

道光六年歲次丙戌仲春

誥授中憲大夫蘇州府知府豐寧額騰伊序於吳門官署之木蘭堂

序

道光二年壬午鴻慶同伯兄創况公祠於蘇城西美巷五顯廟舊基以費鉅工未竟越四年丙戌以服闋重需次吳門蘇守額公暨吳縣萬公及長元諸公各捐廉俸屬鴻慶經理其事既詳見伯兄及舍姪裴之先後所撰祠碑矣聞公有刊本遺集在公裔孫况君霞處將求而刻之會君久他往不可得伯兄言昔於常博董君國琛處見有鈔本屬往求之乃得斯本受而讀之而知公之爲政非尋常循良之績也先是明祖下蘇州以蘇民爲張氏守也取租簿爲糧額民不堪命多逃亡建文中曾

况太守集序

一減之永樂中旋復其舊宣宗在位嘗因楊士奇言詔官田每畝征糧一斗至四斗者減十之二四斗至一石以上者減十之三永爲定制而部格不行公下車之始疏請如詔書核減經部再駁凡三奏卒如其請減七十餘萬石繼此而免拋荒糧減遠運數革抽船米凡奏輒允歲減百六十四萬石正統中又減八十餘萬石民困始甦此則公政蹟之最大者此外若均徭役正風俗立規制十三載中利無不興弊無不革他人得其數事已足登循吏之堂而公之德政至指不勝屈也公能文章工書法奏疏榜諭獄皆出親裁不以科目起家而愛

賢禮士虛衷下問聞有言及百姓利弊者立即施行綜理周密而不疎施行甚易而不煩廉正樸誠始終一致至今青天之稱萬口如一遺愛在人沒齒不忘非倖致也因屬太倉顧君晞元嘉定程君庭鸞校其謬誤捐賞屬金陵劉祖壽刻之以爲服官取則焉且以見明政煩苛撫循不易百姓幸生

聖人之世輕徭薄賦得以優游俯仰以遂其含哺鼓腹之樂官斯土者休養生息不必師公之迹而師公之意將見召杜龔黃不絕於惇史之書則是集之刊必有人置一編以爲治譜者於吏治民生當必有所裨益而非

况太守集序

徒文章之美也紀公政蹟者有忠貞錄膏雨集傳芳集茲集出自公後裔廷秀等所纂輯不知視舊刊本何如而綱舉目張體裁簡要良法美意成規具在循良之實蹟不第爲况氏一家之書也刊既成爲序其緣起如此明史本傳辟疆館記修祠碑記畫像記修衣冠墓記及同人紀載題詠別爲一冊附於後俾後之人有所考證焉

聖清道光六年歲在丙戌仲夏江蘇候補縣丞署太倉直隸州州同錢塘陳鴻慶謹撰

序

嘗觀有明一代吏治迭變爲循爲酷或猛或寬視上好尚以爲轉移洪永創業誅殺過當胡藍之獄靖難之師蒞臨元勛株連逮乎門族芟夷忠烈瓜蔓及乎里鄰暴主立威流毒天下蒼鷹之吏乳虎之徒希旨承風重文橫入延年屠伯羅吉鉗網簡冊以來眇此殘虐仁宣繼體垂拱守成君德光明民風敦愿人材則三途並進未專資格郡邑則厯考久任雅重循良數引牧守咨求民瘼禁罔疏闊吏多廉平政理之嫩比效漢宣嗚呼盛矣於時靖安況公以部僚首奉璽書來守蘇郡郡承張氏

况太守集 序

征斂之籍役賦繁重丁農大困加以長官貪墨胥役恣橫中使驛騷比戶凋耗殘黎菜色幾無生理公旣莅治聲色不形一月之後具得要領懲貪誅橫吳中震服遂請減賦額寬征徭清冤軍平枉獄逃亡復業逋欠蠲除百廢具興豪猾斂迹繼養而敦絃歌雍雍吏不敢欺人懷其惠操膺白水民呼青天上下和會風化肅然矣乃至卓最遠播嘉應沓來羣鶴翔庭上瑞幾乎黃霸餘蝗入海三異符乎魯恭公卿推袁士民借寇前後守郡十有三年以勞農位飾終有加耆穉巷里衢路私祭雖鄭人之歌子產蜀民之頌武鄉孺慕至誠無以遠譬終明

之代一人而已公祠舊在郡學宮牆深嚴瞻仰匪易武

林陳大令文述久官於吳循能並著喜誦公政以爲矩臬嘗於大覺禪林得公遺跡乃因吳人慕思更創分祠以便里俗禱謁並取寒家舊藏公集鈔本手爲警校屬哲弟鴻慶卽修祠餘資特爲雕印將以規勗司牧準的良能用心之勤可不謂賢歟竣梓傳示徵及鄙言惟公起家掾史致位通顯少負異才練習掌故在部則部治在郡則郡理神君慈父學根心術冀黃延史本不以文詞見長然其條教之頒章疏之達皆能經事綜物言簡意賅爲民之誠溢於楮墨展誦數四如接風烈誠足矜

况太守集 序

俗規世裨補政教千百世下景繹未艾豈與夫絺章飾句御芬扇藻者爭能字句間哉謹爲之序云道光六年歲在丙戌中夏下泮吳縣後學董國華撰

况龍岡公治蘇政績全集序

循吏之立傳助於史漢自是各代紀載復增廣其名目由今稽之覺前代循良其卓卓見於史傳者尙爲其易不若公之守蘇爲其難而民之被澤者亦最深而遠也漢之文翁召杜唐之韋丹輩治化渥矣而當時吏民不聞以獷悍稱張趙之尹三輔乖崖之治蜀風紀振矣亦罕聞有與革大端民稱曠典惟公則既綏民復馭吏欲拊循之先搏擊之所革者爲百年之錮弊所興者爲無窮之利施蓋合召杜韋張而爲一人者也豈不偉哉大抵蘇民之困莫如重額秋糧公未涖蘇時曾有旨量

况太守集卷首 岳序

減糧額之重者而部格不行公下車首先抗疏言重額當減經部再駁凡三奏卒如其請繼此而免拋荒糧減遠運數革抽船米所奏輒允向之額徵二百七十餘萬石者減免且踰百萬焉其馭吏則惟糾之以猛立誅數人而百年蟠結之奸崇朝鏟削至是民之積困始甦官方整飭然後均徭役正風俗立規制而義役濟農二倉之設民且油油然樂其樂而利其利雖旱澇不能爲災尙何向時之嗷嗷凋敝乎哉公亦自此政通人和雍容鈴閣向之日昃不遑如束濕然者坐而理之裕如矣昔子產爲政崇尚剛猛迨其後而誰嗣興歌韋丹之牧民也

數興大利宣宗詔江右立碑紀其功績公惟取則於先民奏牘之陳肺腑爲民請命輕徭薄賦四境桑麻宜乎蘇之民沐浴膏澤幾番之叩闕而請借寇者至數萬人也始蘇爲人文淵藪公每與多士晉接虛心延訪一言及民瘼輒見施行而慎簡師儒奏薦才彥士氣蒸蒸未艾不但如韋左司守蘇徒以風雅相尙已也及公卒於任而扶輿以歸圖書之外行李蕭然見者流涕昔武侯遺表謂臣死之日不使家有餘財以負陛下若公真能無愧斯言者矣余祖母爲公長嗣定觀支孫女余自幼得以登公祠堂拜瞻遺像長而讀公家書重舅父三登

况太守集卷首 岳序

爲公九世孫郡庠名宿嘗以公忠貞傳芳文獻三集頭緒未歸於一宜加列傳以冠其首參互取舍粗爲輯錄命景代訂成集謹遜謝不敏迨後讀書豫章太教堂得受業於張損持太史太史蘇州人極喜談公守蘇事爰手授數則爲公家集所未載者且曰公之品望德業當於汲長孺宋廣平輩求之龔黃不足數也尋又見膏雨集一書乃蘇先儒刻以紀載公事績者其奏論益詳因備錄以歸時光荏苒重舅父棄世諸表伯叔兄弟再四催促用敢贊襄從事焉其體例仍照景舊訂先祖精忠集但處採輯未周不無掛一漏百之憾因闕其卷尾以

侯增益昔陳建作有明政記曰姑爲史家底藁之具以公盛德大業勒成家集昭示來世播之海內自有大手筆擅著作才者在余小子忝叨葭末聊於需選之暇具此底藁云爾

昔

乾隆二十八年癸未歲季秋月上浣

後學新吳岳士景頓首謹

況太守集卷首

岳序

三

記

蘇城西美巷有大覺菴故五顯廟遺址也余至蘇之次年嘉慶十二年丁卯也王君良士以況公辟疆館碑及重修五顯廟碑大殿題梁歲月記拓本見示辟疆館記蓋君數年前寓菴中菴僧掘地所得石故完好其文爲況公丁艱後寓廟中掘地得殘碑有辟疆東晉字而作也證以至元吳地記五顯廟爲辟疆故宅景定姑胥志和豐坊有顯況宅唐大厯中拓府治規其半爲廐語皆相合其地與府署隔一垣今府署西園及管糧通判署皆廟基則公寓茲地作館記之宜可信言之太守五公

況太守集記

泰五公以詢王國博芭孫國博作文辨之以爲僞五公將毀其碑余爭之曰志乘所載名賢祠墓往往兩地之民爭之亦地以人重耳況公賢者記石可僞而廟碑題梁不可僞鑒然況公所修舉也無可疑也不可毀也乃以石還菴余思況公賢太守有德於蘇民甚厚前代曾許建專祠有象以祀七邑及市鎮皆建祠今僅有祠在郡學地湫隘不足慰士民甘棠之思籌之前吳縣孫君仲良議修舉焉募地於鄰闡菴之左右以爲基並爲籌費千金與有日矣會孫君以憂去官費以償帑不果修道光壬午余官江都舍弟鴻慶以公事至蘇寓菴中與

僧雲峯詔及前事同余捐三百金以爲之倡並言之吳縣萬君臺萬君言之蘇守額公騰伊及長洲元和諸君各有所助爲營樓六楹以費絀工未竟今年弟以服闋來蘇額公又以修城餘費二百金萬君及長元先後諸公亦各以多金助屬舍弟經理之既落成請余爲文以紀之余惟蘇東南之大郡也而稱賢守者在唐則韋公白公明則況公顧韋白之名爲文人學士之所推重而老幼婦女至今稱道勿衰青天之名閱數百年而衆口如一者厥惟況公豈不以遺愛在民民不能忘之所致耶明甚重科目而公獨以吏掾起家尙書呂震薦之洵

況太守集記

二

歷禮部郎中宣德中以天下九大郡繁劇難治蘇尤甚用胡濙蹇義薦擢公任蘇州賜書假便宜行事章奏得徑達御前先後三任閱十三年初以母憂去任請畱者三萬餘人繼以任滿當遷請畱者萬八千餘人中間頌政蹟者七邑八萬餘人初撫民侍郎成均與公不合公之去也喉人誣告公瑣屑事奏聞有旨自陳周文襄公忱撫蘇與公相契合公事多所咨詢兩相贊助內則楊文貞公士奇主之宣宗在位勅政恤民爲明政極盛之世故公得行其志今觀本傳及年譜所載其視民事如已事誅猾吏劾貪官以清弊源請減浮糧及拋荒積

欠違運諸糧歲至一百六十餘萬石又立濟農倉義役倉清軍千八百家恤其冤抑勘囚千五百二十餘名平其枉縱招壯丁三萬六千七百戶寬其徭役以及興水利卹蝗旱勸婚葬籍善惡防虛僞杜需索正疆界恤挽運爲百姓計長久者在耳目之前而用心在數十年之後尤以風俗人心爲本其設施一從天理人情體驗而出故能深入人心而歷久不渝也古稱有治人無法非無法治法也不得人以治之猶無法也孟子所謂徒法不能以自行者此也觀況公所爲以實心行實政措置恒得法外意可謂善用法矣而余尤有感於資格

況太守集記

三

之說也假令廷臣無特疏之薦朝廷無破格之除公雖賢誰與爲治公官僅太守例受上官節制或知其賢而牽掣之或不知其賢而摧抑之則公雖賢亦不能盡其才力以爲治也天下之大未必無賢如況公者朝廷愛養百姓亦甚欲得如況公者而用之知其賢而薦舉焉爲之上官者愛惜其賢而成就焉呂周諸公亦何易及而公之廉正樸誠始終一致海剛峯稱爲勝作十年救時宰相張瓊稱爲汲汲長孺朱廣平張乖厓一流治行在龔黃之上亦可謂當之而無媿者矣李紀序公集曰以治蘇之績推之天下無不利卽推之後世無不

利公之功殆與蘇並傳然則鶴翔於庭崕入於海不足爲公異三品之秩千貫之鈔不足爲公榮膏雨之集傳芳之錄不足爲公華惟此廟食不朽實有合於人心天理之公昔武侯治蜀沒多野祭坡公守杭飲食必祝循良之遺愛亦後世所矜式也則茲祠之建又曷可不記也

聖清道光六年歲次丙戌仲春錢塘陳文述謹識

况太守集記

四

凡例

一 公集原有明張修撰洪所作太守前傳係當時貽贈非合古人蓋棺論定之義且僅詳蘇州任內事其於公初年及官禮部時概未之及卽蘇州任內又僅詳五載事此後尙有八載亦未之及也茲總計其生平作全傳以弁其首遵照昔賢家集用編年例序次不敢凌躐遺事條列亦不敢有所缺漏也

一 公父遜齋公實有隱德另卷補入行實蓋本古者論人必原所自之義

一 原集忠貞錄數卷公哲嗣所彙輯之奏疏藁也謹分

况太守集卷首 凡例

爲四則按年編叙其一曰陳情奏分前後二曰興革利弊奏此關係最要海忠介所稱勝作十年宰相者此也三曰舉劾官吏奏四曰辨誣奏前項間有殘闕者則據膏雨集諸書補入焉

一 條諭皆公所頒示蘇民者蘇志云凡所諭皆切民要害往往朝發令夕卽禁止莫之稍違但忠貞錄所載較之奏疏尤畧亦照膏雨集採補數條

一 前項奏諭二端皆止詳宣德八年以前事此後在任尙九載一切奏諭遺缺甚多卽膏雨集亦然統俟採補